



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

SS. Basilides & Socii MM. 10. Iunij.

urn:nbn:de:hbz:466:1-42032

pit; quemadmodum neque dies in pietatis operā ei suffecit, singulis noctibus Matutinūm, quem vocant cursum de SS. Triade, tum de Cruce, denique de Virgine Deiparā absolvit. Annexuit his votivas pro mortuis preces, & Davidis Odaria: quid post hoc pensum somno relictum est, quem tamen ne tum quidem admisit, priusquam sex pauperum pedes abluisset. Diem sic auspicata est. Novem infantulos, quos à suis neglectos matribus educabat pro suis, nutricularum occupato officio, pasebat cibos ori ingerens, & quidem genibus nixa, ut reverentiūs haberi non possent, si vel cælo lapsi fuissent. Trecentis aliis, sed adulterioribus, partito cum rege ministerio, cibum inferebat. Tum repetitæ preces utique penetratur cælum, cùm tot pauperum appreciationibus sublevarentur. Idem publicè prodeuntē stipabant catervatim, vile satellitum, sed ad Superos prefecturæ percommódum. In cuius itineris procinctu cùm semper stetisset, edocta tandem divinitus est, quando migrandum esset. Mortua toto vultu erubit. Sensisse plausus dices, quibus tam rata virtus in cælo accepta est. Ex Surio.

Septem horarum Canonicarum officia, quasi septem baptismatum lavacra in Ecclesiæ sunt gremio constituta; ut septem offensionum maculas, quasi ex quotidiana vite hujus conversatione contrahimus, totidem orationis quotidiane fluentis expiri conemur. S. P. Dam. op. 10.

SS. BASILIDES & SOCI I M M.

IO. Junij.

Offenduntur delicati, cùm viam iis regiam, quæ ad cælum dicit stratum crucibus ostendimus; cùm per vepreta, quæ Christus calcavit, per

per cruenta Martyrum sanguine vestigia ducimus
quem insuetos laborum ; monstrabimus ergo nauseabundis compendium, quo BASILIDES, TRIPVS &
MANDALES extra ordinem ad cælum sunt per-
ducti. BASILIDES operam suam Platonī viro pri-
mario , sed impiæ superstitioni dedito locabat,
studiosè argumenta omnia celans , ex quib[us] agnoscit Christianus possit. Non placebat Chri-
sto, quod tam docte uteretur fato , & tempori pe-
ritius quam conscientiæ velificaretur , adversus
præceptum suum duobus dominis emancipatus.
BASILIDES nihil moratus, Platonem deserit , &
cum sociis recti ad littus profectus , in navem inci-
dit, quā instructiorem nulla unquam aqua tulit.
Christus ad clavum sedebat, Angeli remigum of-
ficium occupabant , nimis protectō familiariter
officiorū. Quid metuerent felicissimi vectores?
Syrtēsne an ventos ? an fluctus? equidem credam
optasse omnia pontum esse , & deesse littora pon-
to : nam certè in portu denique trepidare cœpe-
runt, adversā de Aurelianī sævitie famā percussi.
Ausi ergo rogare Christum sunt , liceret sibi siccâ
morte , & incruentâ defungi. Datum id quoque,
placitā compositos uite Angelorum manus cælo
intulerunt. Nihil audies suavius : & tamen fron-
tem contraxisti, cùm his quoque negatum audires
duobus dominis servire. Ex Möbrit. & P. de Natal.

Esto humilis, & pacificus & erit tecum Iesus: sis
devotus & quietus, & manebit tecum Iesus. Potes-
cito fugare Iesum & griam ejus perdere, si volue-
ris ad exteriora declinare: & si illum effugaveris &
perdideris ad quem fugies, & quem tunc quares a-
mum? Thom. à Kemp. l. 2. c. 8.

S. OLI